

## II

Ovo Uputstvo stupa na snagu danom donošenja i objavit će se u "Službenim novinama Kantona Sarajevo".

Broj 04-14-7912/19  
23. maja 2019. godine  
Sarajevo

Ministar  
Adnan Šteta, s. r.

**Ministarstvo za obrazovanje, nauku i mlade**

Na osnovu člana 66. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05) i čl. 50. stav (3) i 68. stav (1) tačka f) Zakona o obrazovanju odraslih ("Službene novine Kantona Sarajevo", broj 40/15), ministrica za obrazovanje, nauku i mlade Kantona Sarajevo donosi

**PRAVILNIK**

**O NAČINU ORGANIZOVANJA, PROVOĐENJA,  
DUŽINI TRAJANJA, POTREBNOM FONDU SATI ZA  
STICANJE SREDNJE STRUČNE SPREME, PROGRAMA  
PREKVALIFIKACIJE, PROGRAMA  
OSPOSOBLJAVANJA I PROGRAMA BRZE OBUKE ZA  
POTREBE POSLODAVCA**

**I - OPĆE ODREDBE**

## Član 1.

(Predmet Pravilnika)

Ovim pravilnikom uređuje se način organizovanja, provođenja, dužina trajanja, potreban fond sati za sticanje srednje stručne spreme, programa prekvalifikacije, programa osposobljavanja i programa brze obuke za potrebe poslodavca.

## Član 2.

(Upotreba ženskog ili muškog roda)

Terminološko korištenje muškog ili ženskog roda u ovom pravilniku podrazumijeva uključivanje oba roda.

**II - REALIZACIJA NASTAVNOG PROCESA**

## Član 3.

(Godišnji plan i program)

Organizator provodi nastavu u skladu sa svojim godišnjim planom i programom, a provođenje ispita u skladu sa Odlukom o standardima i normativima za realiziranje programa obrazovanja odraslih ("Službene novine Kantona Sarajevo", broj 32/16).

## Član 4.

(Organizacija nastavnog procesa)

- (1) Način organizovanja procesa nastave u realizaciji odobrenih programa formalnog obrazovanja vrši organizator na osnovu rješenja o akreditaciji plana i programa koje izdaje Ministarstvo za obrazovanje, nauku i mlade Kantona Sarajevo na osnovu zahtjeva organizatora obrazovanja odraslih (u daljem tekstu: organizator).
- (2) Organizator obrazovanja proces nastave za neformalno, informalno i obrazovanje za osposobljavanje i usavršavanje organizuje u skladu sa svojim planom i programom.
- (3) Organizator redovnu nastavu organizuje u procentu od 60%, u konsultativno-instruktivnoj nastavi najviše 30%, te dopisno konsultativnoj nastavi najmanje 10% od ukupnog fonda sati utvrđenih programom obrazovanja odraslih.

## Član 5.

(Dužina trajanja obrazovanja)

Dužina jedne školske godine za sticanje formalnog obrazovanja III i IV stepena ne može biti kraća od 50% vremenskog perioda potrebnog za redovno obrazovanje u jednoj školskoj godini.

## Član 6.

(Program prekvalifikacije)

- (1) Program prekvalifikacije i doškolovanja ostvaruje se promjenom programa iste dužine trajanja.
- (2) Za program prekvalifikacije u istom stručnom području utvrđuju se razlike stručnih predmeta između nastavnog programa već stečenog zanimanja i nastavnog programa za novo zanimanje.
- (3) Programom prekvalifikacije iz jednog u drugo stručno područje, odnosno programom prekvalifikacije za polaznike sa stečenom srednjom školskom spremom radi sticanja srednje stručne spreme utvrđuju se sve programske razlike.
- (4) Organizator će svojom odlukom ili drugim aktom priznati položene predmete na osnovu mišljenja nastavnika iz oblasti za koju se vrši prekvalifikacija.

## Član 7.

(Program osposobljavanja i usavršavanja)

Dužina trajanja neformalnog, informalnog obrazovanja odraslih programa osposobljavanja i programa brze obuke za potrebe poslodavca kao i potreban fond sati u vezi sa tim definisane se programima neformalnog i informalnog obrazovanja organizatora obrazovanja odraslih i programa brze obuke za potrebe poslodavca.

## Član 8.

(Stupanje na snagu)

Ovaj pravilnik stupa na snagu danom objavljivanja u "Službenim novinama Kantona Sarajevo".

Broj 11-04-38-18826-3/19  
29. maja 2019. godine

Ministrica  
Mr. Zineta Bogunić, s. r.

**Ministarstvo pravde i uprave**

Na osnovu člana 52. stav 1. tačka 2. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), člana 74. stav (5) Zakona o državnoj službi u Kantonu Sarajevo ("Službene novine Kantona Sarajevo", broj 31/16), člana 76. Zakona o namještenicima u organima državne službe u Federaciji Bosne i Hercegovine ("Službene novine Federacije BiH", broj 49/05), člana 34. stav (1) Uredbe o poslovima osnovne djelatnosti iz nadležnosti organa državne službe u Kantonu Sarajevo koje obavljaju državni službenici, uslovima za vršenje tih poslova i ostvarivanju određenih prava iz radnog odnosa ("Službene novine Kantona Sarajevo", br. 39/16 i 10/17), člana 41. stav (1) Uredbe o načelima za utvrđivanje unutrašnje organizacije kantonalnih, gradskih i općinskih organa uprave i upravnih organizacija ("Službene novine Kantona Sarajevo", br. 36/06, 8/12 i 39/16) i člana 29. stav (1) Uredbe o dopunskim poslovima osnovne djelatnosti i poslovima pomoćne djelatnosti iz nadležnosti organa državne službe koje obavljaju namještenici ("Službene novine Federacije BiH", br. 69/05 i 29/06), ministar pravde i uprave Kantona Sarajevo, uz saglasnost Vlade Kantona Sarajevo, donosi

**PRAVILNIK**

**O UNUTRAŠNJOJ ORGANIZACIJI MINISTARSTVA  
PRAVDE I UPRAVE KANTONA SARAJEVO**

**POGLAVLJE I - OPĆE ODREDBE**

## Član 1.

(Predmet)

Ovim pravilnikom utvrđuju se: unutrašnja organizacija Ministarstva pravde i uprave (u daljem tekstu: Ministarstvo), vrste organizacionih jedinica i njihov djelokrug; sistematizacija radnih mjesta po organizacionim jedinicama, opis poslova svakog državnog službenika i namještenika i ovlaštenja i odgovornosti državnih službenika i namještenika u obavljanju poslova; rukovođenje Ministarstvom i organizacionim jedinicama, ovlašte-